

四庫全書

子部

欽定四庫全書

子部

赤水元珠卷十三

詳校官太醫院恩糧臣袁天錫

編修臣倉聖脈覆勘

總校官編修臣王燕緒

校對官助教臣卜惟吉

謄錄監生臣戴璵

欽定四庫全書

赤水元珠卷十三

明 孫一奎 撰

內傷門

茲以傷飲傷食為一門而勞心竭力不足之症則節抄東垣脾胃論附之

傷飲傷食

生生子曰傷飲傷食之症多是有餘當另標一門不當與內傷門混治何者夫內傷二字乃病機總辭凡諸勞心勞神耗竭精氣及損傷營衛臟腑筋骨血脉莫

不皆內傷病也故古人有五勞七傷之謂斯為不足之疾証多類似東垣內外傷辨惑已詳之矣夫有餘當消不足當補天壤懸絕症涉疑似而又溷為一門恐初學於有餘中之不足不足中之有餘及純有餘純不足之証茫無分別則用藥未免有虛虛實實之悞予故所以另標為一門庶幾易於尋治也且此証所患甚多緊關妙處只三節隨輕重緩急治之百發百中初食傷之時填塞胸膈脹滿疼痛急宜用吐

法吐而出之緣食未入於胃停積膈間吐之甚易經  
謂在上者因而越之是也食已下膈入胃則不可用  
吐法強吐之亦不能盡出又不宜遽用下藥下之早  
則傷中氣胃既為飲食所傷又復能受藥之傷乎而  
清純沖和之氣并為之下陷故曰雜病酒積下之早  
亦作痞氣惟當健脾消導俟其盡入大腸而痛在臍  
腹乃可用下法下之經謂在下者引而竭之是也  
皆順其勢而利導之殊易為力故治亦無所悞也

東垣曰陰陽應象論云水穀之寒熱感則害人六腑痺  
論云陰氣者靜則神藏躁則消亡飲食自倍腸胃乃  
傷此乃混言之也分之為二飲也食也飲也者水也  
無形之氣也因而大飲則氣逆形寒飲冷則傷肺肺  
病則為喘咳為腫為水瀉輕則當發汗利小便使上  
下分消其濕解醒湯五苓散生薑半夏枳實白朮之  
類是也如重而蓄積為物也有形之血也如生氣通  
天論云因而飽食筋脈橫解腸癖為痔又云食傷太

陰厥陰寸口大於人迎兩倍三倍者或嘔吐或痞滿  
或下痢腸辟當分寒熱輕重治之輕則內消重則除  
下如傷寒物者半夏神麴乾薑三稜廣茂巴豆之類  
主之如傷熱物者枳實白朮青皮陳皮麥蘖黃連大  
黃之類主之亦有宜吐者陰陽應象論云在上者因  
而越之瓜蒂散之屬然而不可過劑過則反傷腸胃  
蓋先因飲食自傷又加之以藥過故腸胃復傷而氣  
不能化食愈難消矣漸至羸困故五常正大論云大

毒治病十去其六小毒治病十去其七常毒治病十去其八無毒治病十去其九不可過之此聖人之深戒 傷飲多以五苓散為主

五苓散 治飲煩渴飲水過多或水入即吐心中澹澹停濕在內小便不利 方見暑門 治傷冷飲者煎五苓散送半夏枳木丸 治傷飲不惡寒胸中微覺夯悶身重飲食不化者或小便不利者五苓散去桂依前斟酌服之 如瘀熱在裏身發黃疸食前濃煎



茵陳湯調服愈

除濕散

傷馬牛乳酪及冰水一切冷物

半夏

湯炮

乾薑

各三錢

車前子

炒

澤瀉

各五錢

甘草

炙

紅花

各二錢

茯苓

七錢

右為細末每服二錢食前白湯調下

導飲丸

治水飲

吳茱萸

三錢

白茯苓

蒼朮

各二兩

黃連

五錢

獨活

七錢

右為細末神麴糊丸服

丹溪茱萸丸 治飲

白滑石

六兩

甘草

吳茱萸

各一兩

水丸服

傷酒

東垣曰酒者大熱有毒氣味俱陽乃無形之物也若傷之只當發散汗出則愈矣其次莫如利小便乃上下分消其濕令之病酒者往往服酒癥丸大熱之藥下之又有用牽牛大黃下之者是無形元氣受病反下

有形陰血乖悞甚矣酒性大熱已傷元氣而復重瀉之亦損腎水真陰及有形陰血俱為不足如此則陰血愈虛真水愈弱陽毒之熱大旺反增其陰火是以元氣消燂折人長命不然則虛損之病成矣酒疸下之早久則為黑疸慎不可犯宜以葛花解酲湯主之王海藏曰治酒病宜發汗若只利小便炎焰不肯下行故曰火鬱則發之以辛溫散之是從其體性也是知利小便則濕去熱不去若動大便尤為踈陋蓋大便

者有形質之物酒者無形之水從汗而發之是為近理  
濕熱俱去故治以苦溫發其火也佐以苦寒除其濕也  
統旨曰傷酒惡心嘔逆吐出宿酒昏冒眩暈頭痛如破  
宜二陳湯加黃連乾葛煎服或沖和湯縮脾湯五苓  
散用乾葛煎湯調服久困於酒遂成酒積腹痛泄瀉  
或暴飲有灰酒亦能致之並宜酒煮黃連丸 多飲  
結成酒癖腹中有塊隨氣上下沖和湯加黃連蓬朮  
酒停胸膈為痰飲者枳實半夏湯加麴蘖用吐法尤妙

劉宗厚曰酒者是有形之物即水飲同體也今言無形  
元氣受病不得傷于有形陰血者蓋謂酒者濕熱之  
物入胃則臟氣俱熱逐氣升降之際而半有消耗之  
矣至傷於腸胃則升之不散降之不下鬱於氣分無  
形之地位故言無形之物非若水飲性體全降於腸  
胃中也若今人之飲醇酒則便少此其可驗是以傷  
則宜汗之瀉之不得用重峻下劑蓋此等藥不能入  
氣分反傷有形陰血耳但斯意隱然使人不能無疑

故或有辨之者茲不復具然昔人有用下劑者蓋或有酒飲傷積日久而汗之泄之不能愈則重峻下劑而或可哉故用者自宜對症詳審勿以辭害意可也

東垣葛花解醒湯 飲酒太過嘔吐痰逆心神煩亂胸

膈痞塞手足戰搖飲食減少小便不利

青皮

分三木香

橘紅

分各五

人參

茯苓

猪苓

錢各一

神麴

炒

澤瀉

乾薑

白朮

錢各二

白芷

葛花

砂仁

錢各五

右為細末每服三錢白湯調下 但得微汗則酒  
病去矣此蓋不得已而用之豈可恃此酣飲成病  
自損元氣惟病酒者宜之

丹溪烏梅丸 治酒毒化痰消食

烏梅

一斤半夏

白礬

各八兩

生薑

二兩

右為細末以新瓦二片夾定火焙三日夜為度次  
入神麴麥芽陳皮青皮莪朮枳殼丁皮大腹子各  
四兩糊丸每服四五十丸 湯下

潔古百杯丸 酒停胸中膈氣痞滿面色黃黑將成癰

疾飲食不進日漸羸瘦如欲飲者先服不醉

生薑

一斤去皮切片以鹽二兩淹一宿焙乾

橘紅

乾薑

各三兩

木香

茴香

炮各一錢

廣茂

炮三錢

益智仁

二十粒

丁香

五十粒

砂仁

白豆蔻

各三十粒

甘草

炙

三稜

炮各二錢

右煉蜜丸每一兩作五丸硃砂為衣薑湯嚼下

酒煮黃連丸 方見下血門

濟世方酒積烏梅丸



烏梅

一兩

青木香

錢四

砂仁

錢五

巴豆霜

錢一

半夏麴

錢七

枳實

五錢

杏仁

三錢

黃連

一兩

酒浸一宿

右餌餅糊為丸，茱萸大，每服八九丸，白湯下。

傷食

生生子曰：傷食痛急者，用前上中下三法，不痛而發熱。

頭疼痞悶者，究其所傷何物，寒熱孰多而為之治。今

收各家方法，詳列於後。

東垣脾胃論中已具者，茲不復入，但于彼參治可也。

丹溪曰：傷食惡食者，胸中有物，宜導痰補脾，用二陳湯。

加白朮山查川芎蒼朮服之

憂抑傷脾不思飲食炒黃連酒炒芍藥同清六丸末  
加香附以薑汁浸蒸餅糊為丸服

統旨曰傷食胸膈痞塞吐逆噯酸噫敗卵臭畏食頭疼  
發熱惡寒病似傷寒但身不痛氣口脈緊盛治中湯  
加砂仁或十香丸

潔古枳朮丸 治痞積消食強胃

王海藏云本仲景枳朮湯也今易老改為丸治老幼

虛弱飲食不化或臟腑軟弱者

枳實

去白 麩炒一兩

白朮

二兩

右為末荷葉包燒飯為丸桐子大每服五十丸白朮湯下服白朮者本意不取其食速但久服令人胃氣強食不復傷也

麴蘖枳朮丸

為人強食所致心胸滿悶不快

神麴

炒

麥蘖

炒

枳實

炒各一兩

白朮

二兩

右為末荷葉燒飯為丸每服五十丸

木香枳朮丸 破滯氣消飲食開胃

木香

枳實

各一兩

白朮

二兩

照上法為丸服

又方 開胃進食

木香

錢三

人參

乾薑

各一兩

枳實

一兩

白朮

二兩

為末照上法為丸白湯吞五十丸

檳榔丸 消食破滯氣

檳榔

錢三

木香

人參

各二錢

陳皮

五錢

甘草

一錢

右蒸餅糊為丸每服五十丸

羅太無檳榔木香丸 疎三焦寬胸膈破痰飲快意潤

腸 方在氣門

丹溪保和丸 治食積酒積

山查肉

一斤

半夏

薑制

蘿蔔子

炒

黃連

薑汁炒

橘紅

神麴

各五錢 麥芽

炒三錢

右神麴糊為丸每服七八十丸薑湯下

大安丸 脾經消導之劑

山查

二兩神麴炒

半夏製

茯苓各一兩

陳皮

連翹

蘿

蜀子

炒各五錢

白朮

二兩

右神麴糊為丸每服五十丸

白朮丸

治傷豆粉濕麴油膩之物

白朮

半夏製神麴

枳實

各一兩炒

橘紅

七錢

黃芩

五錢枯

礬

三錢

右浸蒸餅糊為丸量所傷多寡加減服之如素食多用乾姜故以黃芩瀉之

半夏枳朮丸 治因冷食內傷

半夏

薑製二兩

枳實

炒

白朮

各一兩

右末荷葉飯為丸

一方有澤瀉一兩為小便淋也

木香乾薑枳朮丸

破滯氣消寒飲食

木香

三錢

乾薑

炮五錢

枳實

炒一兩

白朮

二兩

右荷葉飯為丸每服五十九

丁香爛飯丸

治食傷太陰又治卒心痛胃疼

丁香

甘草

炙

三稜

炮

廣茂

炮

木香

各二錢

丁香

新汲水洗

淨砂仁 益智仁 各三錢 香附 五錢

右浸蒸餅糊為丸每服七十九

香砂和中湯 治飲食所傷脾胃嘔吐胸滿噯噫或胸腹脹疼

藿香 砂仁 各一錢半 蒼朮 二錢 厚朴 陳皮 半夏 茯苓

苓 青皮 枳實 各一錢 甘草 三分 大便秘去枳實

青皮加麥蘖山查

水二鍾薑三片煎八分食遠服



加味枳朮丸

白朮

米泔浸  
四兩

枳實

去白  
炒二兩

陳皮

半夏

泡

神麴

炒

麥芽

炒

山楂肉

各一  
兩半

如胃寒或冬月加砂仁

一兩

氣滯不行加木香

五錢

常有痰火又兼胸膈痞悶加

黃連

薑汁  
炒

茯苓

各一  
兩

右末荷葉飯為丸每服五六十丸

化食養脾湯

人參

白茯苓

陳皮

半夏

神麴

炒

麥芽

炒

山查

錢各一

砂仁

分八

甘草

分三

白朮

錢一

胸膈痞脹甚

者加厚朴枳實

錢各一

胃脘痛加草薢仁

錢一

氣滯

痰盛者去人參加香附

錢一

夏倍之

水三鍾薑三片煎八分食遠服

秘方思食調中丸

脾胃久弱飲食不消氣滯胸膈痞

悶嘔逆痰水

白朮

錢二

米泔浸人參

錢七

木香

錢五

砂仁

香附

陳皮

半夏麴

炒

神麴

炒

麥芽

炒各

甘草

錢一

炙四

右末陳米糊為丸梧子大每服百丸白湯下

治中湯

即理中湯加青皮陳皮

十香丸

傷飲食胸膈腹疼或氣滯積聚皆可服

甘松

炒

益智仁

炒

香附子

各四兩

京三稜

二兩

莪朮

二兩青

皮

陳皮

各三兩

砂仁

一兩半

木香

甘草

炒一兩

水浸蒸餅糊為丸梧子大每服五十丸薑湯下

枳實半夏湯

枳實

炒

半夏

泡各五錢

薑五片水二鍾煎服

治心腹膨脝 多食積所致

南星

薑製

半夏

薑製

瓜蒌仁

各一兩半

香附

童便浸

黃連

薑汁炒

三

少

兩青蒙石

煨

蘿蔔子

炒

連翹

陳皮

各五錢

麝香

許

右末神麴糊為丸

治因麴內傷發熱頭痛作吐

白朮

一錢半

白芍

陳皮

蒼朮

各一錢

茯苓

黃連

人參

甘草

各五分

薑三片 口渴加葛根二錢

楊氏家藏豈菟橘紅散 溫脾養胃升降陰陽和三焦

化宿食

丁香

木香

各一兩

人參

白豈仁

厚朴

薑製橘紅

神麴

炒

乾薑

炒

半夏麴

甘草

炒

藿香

白朮

各五錢

每服五七錢薑三片棗一枚水煎服

紅丸子

溫脾胃消寒冷食積併治冷瘧

京三棱

莪朮

陳皮

去青皮

各五斤

乾薑

炮

胡椒

各二斤

右末醋煮糊為丸梧子大以礬紅為衣每服二十丸食後薑湯下

消食化氣香殼丸

醒脾去積順氣化痰

青皮炒陳皮

炒各四兩

蘿蔔子

炒木香

三稜

炒蓬朮

神麴

麥芽

各一兩炒

枳殼

炒二兩

半夏

二兩半

枳實

炒一兩

香

附子

醋炒一兩半

檳榔

山查

草菓

各一兩

陳倉米

一升同巴

豆二十粒炒黃色去巴豆不用

右末醋糊丸梧子大每服四五十丸漸加至七十

丸食後白湯下

青橘皮散

食過飽痞悶消食化氣醒酒

青橘皮

去白炒

芎根

一砂仁五錢

為細末濃茶調服

寬中丸

治胸膈痞悶停滯飲食

山查肉

蒸熟為末丸服

除濕益氣湯

傷濕麤心腹滿悶肢體沈重

枳實麩炒白朮

黃芩

各一兩

蘿蔔子

炒半兩

神麩

一兩紅花

錢三

荷葉飯為丸葉豆大每服六十丸白湯下

二黃丸

傷熱食痞悶兀兀欲吐煩亂不安

黃芩

二兩黃連

酒炒一兩升麻

柴胡

各三錢

甘草

二錢

枳實

炒五錢

錢

飴餅糊為丸每服七十丸薑湯下

白朮和胃丸

病久不能食而臟腑或結或澹此由胃



虛弱也常服則和中理氣消痰去濕熱飲食

厚朴

炒

半夏

各一兩

白朮

二錢

陳皮

八錢

檳榔

枳實

各二

錢半

木香

一錢

人參

七錢

甘草

炙三錢

右末薑汁浸蒸餅糊為丸梧子大每服五十九白

湯送下

吳梅坡沖和健脾丸

並心開胃健脾寬胸順氣進食

和中資扶三焦培植五內凡體欠強盛者多服大有

益也慎勿以人參見疑膈氣膈食翻胃噎食中滿者

亦效

白朮

炒四兩

白豆蔻

一兩拌白朮末勻飯上蒸

人參

三兩同陳皮參飯上

蒸白茯苓

二兩

山查肉

二兩

石斛

鹽水洗同茯苓山查飯上蒸熟

甘草

綿紙

上炒焦黃色七錢

右各自為末麥芽粉打糊為丸每服五十丸白湯

下

家傳三因沖和丸 養心扶脾疎肝開胃暢達三焦通

貫五臟贊坎離有升降之能和表裏無壅塞之患利

用一元韓旋五內家傳四世之秘也

歌曰 醫家綱領在三因 多少鑽研那得真 發

出肺肝玄妙處 信乎一決勝千金

人參 石斛 白苳仁 廣陳皮 各為末 山查肉 二

兩

已上五味合研勻碗盛碟蓋飯上蒸熟取起待冷

方開此乃調胃補心接丹田之氣也

遠志

甘草湯泡去  
心取末一兩

山梔

炒焦色取  
末二兩

香附

童便浸半日  
洗淨醋炒末

二兩

此三味共研勻如上法蒸熟勿令洩氣乃透暢心胞達膈間之滯氣也

海石

末二兩

蒼朮

米泔浸洗去浮皮炒黃取末二兩

此二味如上法同蒸乃消痰飲而通內外之用也

川芎

末二兩

北柴胡

末一兩

青黛

一兩

此三味和勻蒸如上法乃疎肝鬱調達者也

夫心為脾母補心則土有力肝為脾賊平賊則土乃

和故曰安穀則昌用穀藥取粉打糊為丸梧子大晒乾用益元散五錢水飛過神砂五錢為衣食後少頃白湯下量人大小輕重丸數服之常用五十九丸胃開氣順稍覺舒泰則減數服之可與補中益氣湯六君子湯相兼服此丸不犯炎涼久服無妨平康為度不拘內外諸病服其該科之藥而兼此丸每日一服則胃和脾壯行諸藥以健成功此秘妙之囑慎毋忽焉

參苓造化糕

人參

二兩虛者用四兩

白茯苓

四兩

乾山藥

芡實

蓮肉

去皮

心炒苡仁

炒

白扁豆

炒各半斤

粳米

打白炒五升

白糖霜

二斤半

右為末磁瓶收貯每用四五錢白湯隨加白糖霜

調服一日三四次此平調脾胃久服精神倍加

吐法

瓜蒂散

上部有脈下部無脈其人當吐不吐者死

瓜蒂

赤小豈

為末每服一錢匕溫漿水調下取吐為度設兩手

脈不絕無者不可使用此藥恐損元氣令人胃氣  
不復若止胸中窒塞不通以指探去之如不得吐  
者以物探吐之得吐則已如是食不得去者方用  
此藥吐之

攻下之劑

備急丸 療心腹諸疼卒百病

大黃 乾薑

巴豆

去皮各  
一兩

右擇精品者為末蜜和搗千杵丸如小豆大每服

三九大小量之若中惡客忤心腹脹滿卒痛如錐  
刀刺痛氣急口噤尸厥卒死者以酒或湯服之口  
噤以物攪開灌之藥一下咽須臾差如未差更與  
三九以腹中鳴轉即吐下便愈若口噤須折齒灌  
之忌蘆筍猪肉冷水肥膩之物易水張先生又名  
獨行丸乃急劑也

神妙列仙散 飲酒所傷以致遍身疼痛腰脚強跛手  
足頑麻胃脘疼痛胸膈滿悶肚腹膨脹嘔吐瀉痢及



酒食停久或一切積聚黃疸熱鼓並皆治之

沈香

木香

茴香

炒檳榔各一錢

扁蓄

三錢 大黃

微炒一兩

麥芽

一兩

瞿麥

五錢

右末每服三五錢五更熱酒調下能飲者多飲二三杯不妨仰面卧手叉胸前至天明取下大便如魚腦小便如血效忌生冷硬物葷腥惟啖米粥

木香和中丸

和脾胃消宿食利胸膈化痰涎除膈熱

進飲食

木香 黃芩 青蒙石 枳殼 檳榔 青皮 橘

紅

錢各五

白滑石

兩二

沈香

錢二

大黃

一兩

黑牽牛

取頭末  
二兩三

錢

右末水丸梧子大每服五十丸薑湯或茶清下

木香檳榔丸 一切氣滯心腹痞滿脇肋脹悶大小便

結澁不利者

木香 檳榔 青皮 白陳皮 去枳殼 莪朮 煨黃連

黃栢 各一兩 香附

大黃 炒黑丑

取頭末  
各三兩

右末水丸梧子大每服六十九生薑湯下以利為度

枳實導滯丸 傷濕熱之物不得施化痞悶不安

茯苓 黃芩 白朮 黃連 澤瀉 大黃 枳

實炒神麴各五錢

右蒸餅糊丸菉豆大每服七十丸

三黃枳朮丸 傷食肉濕麴辛辣厚味之物填塞悶亂

黃芩 黃連 大黃 神麴 白朮 陳皮 枳

實

炒五錢

餗餅為丸服如上

海藏神應丸 一切冷物冷水及潼乳酪小腹痛腸鳴

水穀不化

巴豆 杏仁 乾薑 百草霜

各五錢

木香

丁香

各二錢

錢黃蠟

兩一

先將黃蠟用醋煮去渣將巴豆杏仁同炒黑烟盡  
研如泥將蠟再上火入少油溶化入在杏仁等藥

內攪勻旋下丁香等藥研勻搓作挺子油紙裹了  
旋丸每用三五丸食前米飲下

秘方化滯丸 理一切氣化一切積奪造化有通塞之  
功調陰陽有補瀉之妙久堅沈疴磨之自消暴積乍  
留導之立去

丁香

去苞

木香

青皮

去白

橘紅

黃連

各二錢半

京三稜

煨

莢朮

煨各五錢

半夏

二錢五分俱為末

巴豆

去壳滾湯泡過再研開去心膜以瓦

器用好酒煮乾用六錢研末再研入後藥

烏梅

肉厚者去核焙乾為末用五錢以米醋調

畧清慢火熬  
成膏入前藥

右共和勻以麵糊為丸粟米大每服五七丸人盛  
者十九五更陳皮湯下常服磨積不欲瀉者津液  
嚙下 停食飽悶枳殼湯下 但有所積物取本  
物煎湯冷下 因食吐不止津液嚙下即止 食瀉  
不休及霍亂嘔吐俱用冷水下 赤痢甘草湯冷  
下 白痢乾姜湯冷下 心痛石菖蒲湯下 小  
腸氣痛茴香酒下 婦人血氣當歸湯下 若欲

攻積熱姜湯下仍加丸數未利再服瀉不止飲冷水一口立止 小兒量歲數加減服 疳積米飲下 孕婦勿服此藥得熱則行冷則止

### 丹溪小胃丹

芫化

好醋拌勻過一宿於瓦器上不住手炒至黑色勿令焦

甘遂

濕麪包水浸半日洗曬乾

一云水浸冬七日春秋五日或用水煮亦可

大戟

水煮一時洗曬乾各半兩

大黃

濕紙包煨

勿焦焙乾再以酒潤炒熟焙乾一兩半

黃柏

炒三兩

右末以白朮膏九蘿蔔子大臨卧津液吞下或白

湯送下取其膈上濕痰熱積以意消息之欲利空  
心服 一方加木香檳榔各五錢餗餅糊為丸每  
服七八十九。

東垣蠲飲枳實丸 逐飲消痰道氣清膈

枳實

炒

半夏

製

橘紅

各二兩

黑丑

取頭末

三兩

右末麵糊為丸每五十丸食後薑湯下如所食在  
膈間兀兀欲吐及鬱悶亂以物探吐甚者用瓜蒂  
散



海藏金露丸 肉傷心痞氣不升降水穀不消

大黃

一兩枳實

炒五錢

桔梗

二兩黑丑

二錢半

右末荷葉燒飯丸每服白湯下三五十丸常服減半一方薑糊丸

傷狗肉不消心下堅硬或腹脹口乾發熱妄語水煮蘆根汁飲之

傷魚鱸及生鮓停在胸膈不化必成癥瘕馬鞭草搗汁飲之 飲生薑汁亦消 橄欖煎湯飲之亦佳

傷豆腐以蘿蔔煮食或用蘿蔔子煎湯飲之消

傷蟹用紫蘇生薑煎湯飲

傷瓜果以健脾消食之劑內加麝香服之立消

不能食

生生子曰不能食者由脾胃餒弱或病後而脾胃之氣未復或痰客中焦以故不思食非心下痞滿而惡食也治當補益以開豁之丹溪導痰運脾之法皆是也下元虛亦令人不思食宋黃山谷刀筆手東載云有

將兔絲子淘淨炒乾日服數匙酒下服之十日飲食如湯沃雪又有服補脾藥不效用二神丸治之愈

羅謙甫曰脾胃弱而飲食難任者不可一槩用剋伐之劑宜錢氏異功散補之自然能食或嗜食太過傷脾而痞滿嘔逆權用枳朮丸一服慎勿多服昔人有治久瘧後食少汗多先用補劑加黃連枳實月餘食反不進汗亦不止因悟謙甫之言純用補劑又令粥多于藥氣虛甚者加附子一二分佐之

錢氏異功散 治脾胃虛弱難任飲食

人參 白朮 茯苓 粉草 橘紅 木香

各等分

加薑棗煎服

二神丸 脾胃虛弱全不思食服補脾藥不効者

破故紙

炒四兩

肉果

生二兩

右末肥棗四十九枚生薑四兩切片煮爛去薑剝

去棗核研膏入藥末和丸桐子大每服四十九鹽

湯下

積聚門

黃帝針經百病始生得三云積者蓋厥氣生足悅悅生  
脛寒脛寒則血脈凝滯凝滯則寒氣上入腸胃則膜  
脹膜脹則腸外之汁沫迫聚不得散日以成積卒然  
多飲食則腸滿起居不節用力過度則絡脈傷陽絡  
傷則血外溢血外溢則衄血陰絡傷則血內溢血內  
溢則後血腸胃之絡傷則血溢于腸外有寒汁沫與  
血相搏則并合凝聚不得散而成積矣或外傷于寒

內傷于憂怒則氣上逆氣上逆則六輸不通溫氣不行凝血蘊裏不散津液凝滯滲著而不去而成積矣難經云肝之積名曰肥氣肥氣以季夏戊巳日得之何以言之肺病傳于肝肝當傳脾脾季夏適王王者不受邪肝復欲還肺肺不肯受故留結為積故知肥氣以季夏戊巳日得之心之積名曰伏梁云脾之積名曰痞氣云肺之積名曰息賁云腎之積名曰奔豚云並見本方

滑伯仁曰越人之意蓋以五行之道推其理勢之所有者演而成文爾初不必論其感亦不必論其還不還與其必然否也請以所勝傳不勝及王者不受邪遂留結為積觀之則不以詞害意而思過半矣

論婦人腸覃石瘕

水脹篇云石瘕何如岐伯曰石瘕生于胞中寒氣客于子門子門閉塞氣不通惡血當瀉不瀉瘀以留止日以益大狀如懷子月事不以時下皆生于女子可導

而下

寶鑑曰夫膀胱者津液之府也氣化則出矣今寒客于子門氣塞不通血壅不流而血以止之結硬如石是名石瘕也此氣先病而血後病故月事不來則可宣導而下出者也故難經云任之為病其內苦結男子為七疝女子為瘕聚此之謂也非大辛之藥不能已可服見覲丹

腸覃何如岐伯曰寒氣客于腸外與衛相搏氣不得營



因有所繫痞而內著惡氣乃起瘰肉乃生其始生也大如雞卵稍以益大至其成如懷子之狀久者離歲按之則堅推之則移月事以時下此其候也

夫腸者大腸也覃者延也大腸以傳道為事乃肺之府府主衛衛為氣氣得熱則泄寒則凝今寒客於大腸故衛氣不營有所繫止而結瘕在內貼著其延久不已是名腸覃也氣散則清氣聚則濁結為瘕聚所以惡氣發起瘰肉乃生小漸益大至期而鼓其腹則如

懷子狀也此氣病而血未病故月不斷以時下本非  
妊娠可以此為辨矣

劉宗厚曰按此謂石瘕為血壅不流故月事不來腸覃  
為氣聚而濁結成瘕故血未病月水不斷而知此二  
積之異然亦有諸積所致或有病瘕膿而似此二證  
者不可不察也

丹溪曰痞塊在中為痰飲在右為食積

一云痰積

在左為血塊

氣不能作塊成聚塊乃有形之物痰與食積死血而

成也用醋煮海石醋煮三稜蓬朮桃仁紅花五靈脂  
香附之類為丸石鹵白朮湯吞下 瓦礮子能消血  
塊次消痰石鹵一物有痰積有塊可用洗滌垢膩又  
能消食積 治塊當降火消食積食積即痰也 行  
死血塊塊去須大補 凡積病不可用下藥徒損真  
氣病亦不去當用消積藥使之融化則根除矣 凡  
婦人有塊多是血

生生子曰積聚一證難經以某日得積及不受欲還之

說後人皆難尊信此下諸書雖亦各有發明終未有能擴其蘊而可為萬世法者近汪子良特揭而辨之乃分表裏邪正臟腑內外曰積曰聚及著治驗數條多有啟悟與丹溪治案可相表裏深有功於難經者而後人得以此取則焉幸亦大矣謹述於左

汪子良曰嘗讀難經積聚之說而疑之雖有及於病情而其說自相矛盾有膠固而難通予慮後學之悞于承用也為之辨論附以積聚常變之法亦有自效於

匡救之忠已乎

五十五難曰積者陰氣也聚者陽氣也故陰沈而伏陽浮而動氣之所積名曰積氣之所聚名曰聚故積者五臟之所生聚者六腑之所成積者陰氣也其始發有常處聚者陽氣也其始發無根本上下無所留止其痛無常處又五十六難曰肝之積名曰肥氣在左脇下如覆杯有頭足久不愈令人發欬連年不已以季夏戊巳日得之

何以言之肺病傳脾脾季夏適旺旺者不受邪肝復欲還肺脾不肯

受故留結為積故知肥心之積名曰伏梁起臍上大氣以季夏戊巳日得之

如臂上至心下久不愈令人煩心以秋庚辛日得之

何以言之腎病傳心心當傳肺肺秋適旺旺者不受邪心復欲還腎腎不肯受故留結為積故知伏梁以

庚辛日得之脾之積名曰痞氣在胃脘覆大如盆久不愈

令人四肢不收發黃疸飲食不為肌膚以冬壬癸日

得之

何以言之肝病傳脾脾當傳腎腎以冬適旺旺者不受邪脾復欲還肝肝不肯受故留結為積

故知痞氣以冬肺之積名曰息賁在右脇下覆大如

壬癸日得之

杯久不已令人洒洒寒熱喘嗽發肺癰以春甲乙日

得之

何以言之心病傳肺肺當傳肝肝以春適旺旺者不受邪肺復欲還心心不肯受故留結為積

故知息賁以春甲乙日得之

腎之積名曰奔豚發於少腹上至心

下或上或下無時久不已令人喘逆骨痿少氣以夏

丙丁日得之

何以言之脾病傳腎腎當傳心心以夏適旺旺者不受邪腎復欲還脾脾不肯

受故留結為積故知奔豚以夏丙丁日得之

夫謂積者陰氣也聚者陽氣

也是以血氣分陰陽也殊不知陰血陽氣也皆能成

積但臟腑所主之不同耳心肝多主于血丹溪所謂

在左屬血是也脾肺多主於氣本文所謂肺積息賁

者是也。息者氣之息也。是陽氣亦能成積。況又曰氣之所積。名曰積。與其積陰之說不相合矣。又謂積者五臟之所生也。聚者六腑之所成也。殊不知有形質之物。積滯不行。則為之積。五臟六腑俱有之。如仲景所謂熱結膀胱。搏血畜積。下焦其人如狂。小腹滿硬。而小便自利。抵當湯主之。又東垣所謂食積腸胃。腹滿卒痛者。備急丸下之。是六腑之位。亦有其積。豈謂積于臟乎。至論肝積肥氣。夫肥氣者。言其皮裏膜外。



有塊以致皮膚有肥滿之狀所謂瘧母是也此肝之外積非肝之內積也又謂脾積痞氣夫脾居於右脇今積在於心膈之位乃與本文積在本位之說不相合矣又謂腎積責豚發於少腹上至心下若豚狀或上或下無時乃與聚証走動相類與本文積屬陰沈伏之比不相合矣且五臟之積未言所因治何所據又謂肝積於季夏戊巳日得之之類其說之失明者自當知之愚謂積伏而有常處其症靜也因於血氣

痰食水火之所成聚者對散而言散而無形或集為有象其症動也因於氣虛不能運行之所致作於腹中者屬內作於皮膚四肢者屬外如血積左脇作痛日輕夜甚其脈沈濇者所謂在左屬血治用芎歸紅花蘇木麝香肉桂莪朮之類又有火鬱左脇而痛甚者治用當歸龍會丸之類又有裏熟畜水在於左脇而作痛者如仲景所謂心下痞硬痛引脇下乾嘔短氣汗出不惡寒者十棗湯主之又有食積右脇而作

痛者所謂在右屬食丹溪曰右脇一條降起作痛色  
不紅者此食積也予嘗用補中益氣湯去陳皮加青  
皮草果木香之類又有食塊積於右脇而不痛者宜  
治消導為主如白朮枳實三稜莪朮砂仁吳茱萸之  
類又有痰飲積於心膈作痛纔食熱辣湯則暫止而  
脈沈滑治用白螺丸之類又有氣積胸中而為脹痛  
喘急脈沈者治用紫蘇杏仁之類又有水積胸膈作  
痛手不可近身涼脈沈緊者治用陷胸湯之類又有

濕鬱心膈而為痞滿者治用大消痞丸之類所謂五臟之積者如此又有積于六府之位者余嘗治一人膈下大痛有塊不移嘔吐不食吐無腹痛此中焦吐也從於積用紫沈丸下之而愈又嘗治一人腹中大痛不移纔得大便其痛稍減兩尺脈沈弦而濇他醫作房後陰症治之弗應余曰據其尺脈陰沈當作陰症治之據其大便去後而痛減者此食積也用備急丸下之而已又嘗治一婦產後將及一月小腹之位

有塊如雞卵作痛日輕夜重嘔吐寒熱此血積也治  
用芎歸肉桂莪朮乳沒琥珀麝香之類一服而塊消  
諸症悉退又寶鑑云寒氣客於子門則氣塞不通血  
壅不流而衄以止之結硬如石是名石瘕見覲丸主  
之又云清濁之氣結聚腸外成如懷妊按之則堅推  
之則移月事以時下名曰腸覃晞露丸又嘗治一婦  
人經閉三月臍下脹痛不移他醫作血積治弗效予  
曰此氣虛不能上升而陷於下也丹溪所謂陽病極

於下者此也治用人參陳皮而安又嘗治一人臍左有塊不痛或時降起此亦食積也治用白朮三稜莪朮砂仁吳茱萸木香神麴糊丸服之外於塊上灸之而消又嘗治一人小腹左邊有塊堅痛不移大便燥結或因惱怒辛苦即作膈痛嘔吐不食諸醫罔效已

一年餘余作痰火治用順氣消痞丸

遠志肉酒炒黃連薑製厚朴各

二兩海藻昆布青皮山查肉神麴蒼朮川歸枳實各一兩玄明粉六兩同牛肉一斤切碎煮熟焙乾同前諸藥為末醋煮蒸餅糊為丸每服二錢空心湯下未及一月而塊消痛止又治一人右脇

塊痛用三補丸加梔子蒼朮服至半月而愈所謂六  
府之積者如此其餘茱萸酒肉寒冷等積可類推焉  
腑之積甚者倒倉法治之此皆內積之症治者也又  
有外積者作于皮膚四肢之位也如癰疽癰癰瘡母  
之類治各從其所宜夫癰疽屬陽者仙方活命飲之  
類屬陰者內托復煎湯之類癰癰未消者破結散之  
類已破者如神散之類瘡母又名肥氣宜降痰火之  
劑余嘗治一人瘡後左脇之下皮裏膜外有塊大如

掌許用七胰散治之

瓦礫子煨天蓼花子各二兩為末猪胰七箇針亂刺孔同玄明

粉四兩煮熟入前二末搗爛焙乾為末每服二錢酒下為丸服亦可服之而效此皆外

積之症治者也且以聚病言之夫內聚者腹中走痛

也由於氣虛不能運行故耳余嘗治一人腹中有塊

作痛或上或下或有或無此聚也治用人參黃芪白

朮當歸枳殼木香之類而止此內聚之症治者也又

有外聚者亦由氣衰滯於四肢百節作痛痛作隨腫

痛退腫消經曰先痛而後腫者氣傷形也此也治用



補氣散邪之劑如人參黃芪白朮為君佐以羌活五  
加皮薏苡仁之類此外聚之症治者也由是觀之積  
者由于氣血痰食水火之所成而有臟腑外內之分  
也聚者由于氣虛不運之所致而表裏邪正之別也  
則常變虛實之治得矣難經之說云乎哉

湯氏三稜散 治積氣肚痛

砂仁

甘草

炒

益智仁

炒去  
壳

三稜

莪朮

青皮

去  
穰

炒各  
等分

右末白湯點下

散聚湯 久氣積聚狀如癥瘕隨氣上下心腹絞痛攻

刺腰脇小腹填脹大小便不利

半夏

檳榔

當歸

各三分

陳皮

杏仁

去皮尖炒

桂

各二兩

茯苓

甘草

炙

附子

炮川

芎

枳殼

厚朴

吳茱

黃

湯洗各一兩

大黃

看勢輕重用

每服四錢水煎

大便利者去大黃

大七氣湯

治同上

京三稜 蓬朮 陳皮 益志 香附 各一兩半 肉桂

藿香 甘草 青皮 桔梗 各三兩

每服五錢水煎

玄胡丸 內消癥瘕氣結虫煩心腹脹痛

玄胡索 川歸 青皮 木香 雄黃 飛另研 檳榔

廣朮 炮各四兩 京三稜 炮六兩

右末入雄黃拌勻糊丸梧子大每服三十丸薑湯

下不拘時

木香三稜散 和胃進食消化生冷物心腹刺痛

木香

神麴

炒各一兩

京三稜

炮

甘草

炙各二兩

廣茂

六兩 益志

橘紅各四兩

右末每二錢入鹽沸湯點服

五食丸

虛實積氣蠱脹積塊水氣年深癥瘕

大戟

去皮

甘遂

生各半兩

牙皂

去皮子生

芫花

醋浸一宿炒黃

胡椒

各一兩

巴豆

去心膜醋煮二十箇研半兩

右末入巴豆和勻糊丸黍豆大每服五七丸氣實

者十九夜卧水一鍾用白米白麵黑豆生菜猪肉  
各少許煎至半鍾去渣用湯下藥忌油膩粘滑物  
聖散子 遠年積塊及婦人乾血氣

硃砂

麥蘗

各六兩

大黃

八兩

乾漆

燒過

篇蓄

茴香

炒

檳榔

各一兩

如婦人乾血氣加川山甲

二兩炮

右細末每三錢溫酒調下仰卧此藥只在心頭至  
天明大便如魚腸小便赤為驗並無毒神効小兒  
用一錢十五以上二錢空心服之更效

荊蓬煎丸 破痰癖消癥塊及冷熱積聚順氣消食

木香 檳榔 枳殼 青皮 茴香 三稜

各二兩酒浸冬

三日夏一日 廣茂 二兩醋浸冬三日夏一日 以去皮巴豆二十箇同炒

黃色去巴豆不用

右末糊丸如菜豆大每服三十丸薑湯下

三稜丸 治五穀等積食

陳倉米

一兩巴豆五枚去殼同炒焦色去巴豆不用

陳皮

三稜 各一兩 砂

仁 各二錢 麥芽 木香 一錢

右末醋糊丸菜豆大每十五丸至二十丸姜湯食  
遠服

麴蘖丸 治熱酒積噫酸脇痛

神麴

麥芽

各一兩

黃連

五錢同巴豆五粒炒黃色同用

右末沸湯和丸桐子大每五十丸食遠薑湯送下

一方 治冷酒積 平胃散加丁香砂仁麥芽神麴薑

棗鹽煎服

水積丸

甘遂錢一

為末以猪糟頭肉一兩細切搗爛和末作一九紙  
裹火煨令香熟取出臨卧嚼細酒嚥下取下病根  
○若治酒積用棗湯吞下

涎積炒粉丸 積聚涎塊結於心腹乾嘔刺痛

蚌粉一兩巴豆

七枚去  
壳及膜

右二味同炒赤色去巴豆以醋丸桐子大丈夫臍  
腹痛炒茴香酒下二十九婦人血氣薑酒下敗血



沖心童便和當歸酒服常服薑湯下

茶積丸 治茶積飲食減少面黃腹痛

陳倉米

半升巴豆七粒去壳同炒赤色去巴豆

青皮

陳皮

各二兩

右末醋丸如棗豆大每二十九丸食後淡姜湯下

又方 花椒為末麴糊丸桐子大每二十九丸茶湯任下

茶癖散 治茶積

黃芩

石膏

升麻

等分

為末每三錢砂糖湯調下

鼈甲桃仁煎丸 治諸積

桃仁

泡去皮尖五兩水研漉汁三升

三稜

煨

木香

檳榔

青皮

各一

兩 鼈甲

醋炙黃三兩

右末將桃仁汁慢火熬二升再加醋一升再熬如

糊和藥丸桐子大每服七十九丸淡醋湯下空心食

前日二服

晞露丸 感寒氣凝結腸外久為癥瘕疼痛名腸覃

廣朮

三稜

各一兩酒浸用巴豆三十粒去壳同朮稜炒黃色去巴豆不用乾漆炒

川烏

炮各五錢

茴香

炒

青皮

雄黃

各三錢

川山甲

炮二錢 硃

砂

四錢研

輕粉

一錢

麝香

五分

右薑汁糊丸桐子大每服二三十丸空心薑湯下

阿魏丸

諸積聚癥瘕痞塊

山查

南星

皂角水浸

半夏

同上

麥芽

神麴

黃連

薑炒各一

兩連翹

炒

阿魏

醋浸

瓜蒌

貝母

各五錢

石礮

風化硝

蘿蔔子

胡黃連

各二錢半

右末薑汁浸餗餅糊為丸桐子大每服五十丸薑

湯下

見睨丸 婦人石瘕狀如懷子者

大附子

炮

鬼箭羽

紫石英

各三錢

肉桂

玄胡索

澤瀉

木香

各二錢

血竭

水蛭

一錢炒

檳榔

二錢半

桃

仁

三十枚炒

三稜

五錢

大黃

二錢

同三稜

酒浸一宿焙

右末酒糊丸桐子大每三十丸食前鹽湯或酒下

脾積膏

治諸積神効

雞子

五枚

阿魏

五分

黃蠟

一两

鍋內一處煎分作十服溫湯空心服諸物不忌設  
腹痛是積化動十日後當有血大便中出是其效  
也

剪紅丸 專治久積有虫者

雷丸

檳榔

三稜

莪朮

各醋煮

木香

蕪荑

黑

丑 狗脊 大黃 史君子 鶴虱 牙皂 錫灰

茵陳

黃丹

各等分

為末以茵陳煎湯為丸梧子大外以黃丹為衣大

人每服三錢小兒每用一錢空心以酒下

福建  
者以

冷茶  
吞

奇驗方 黑羊肝一副入左顧牡蠣三錢黃蠟一兩水  
煮肝爛食肝并湯空心食肝盡即效但不厭其苦須  
多服效

敷方 蕎麥麵水調圍硬處內用皮硝蔥重重鋪三層  
以火熨之日三次 外服橘半枳朮丸加莪朮

又方 以紅麴為糟將生威靈仙同搗極爛敷之外覺

痞塊消即拭去遲恐壞肌膚

慰痞方 吳茱萸三升研碎酒煮熟以布包慰癥上冷  
更妙更番慰之癥逐移走慰之消乃止

二仙膏 貼痞氣及積塊

明礬 雄黃

為末先將二兩水糊和成膏貼患處俟大便如膿  
下即愈未愈再以二兩和膏貼之即效

七胰散

汪子良論中七  
胰散有瓦楞子

只用皮硝七錢每一錢擦

一胰醢七日鉄器上焙乾燥為末又水紅花子只用  
七錢無瓦楞子

羅太無乾柿丸 取虛實積下膈甚妙

硃砂

飛為衣

沒藥

牙皂

去皮弦子為末

乾薑

炮

乾漆

炒烟盡

三

稜炮輕粉

青礞石

煨各一

巴豆

三十粒去皮膜醋煮十沸

水銀

錢一

鉛一錢結成砂子

右末和勻飯丸菜豆大煎柿蒂湯冷下三丸或五  
丸 有孕婦人勿服



神功助化散 男婦腹中痞塊不拘氣血食積所成

篇蓄

麥芽

各五錢

瞿麥穗

甘草

各五分

木香

一錢半

沈

香

神麴

各二錢半

大黃

二兩

右末和勻男以淡竹葉甘草

等分

煎湯及無灰酒同

調服

婦以紅花燈心當歸

等分

煎湯及無灰酒同

調服

俱酒多於湯

忌油膩動氣之物及房事一月其藥

夜服大小便見惡物為度此方神妙不可盡述

紅丸子

大人脾積氣滯胸膈滿悶面黃腹脹四肢無

力酒積不食乾嘔不止脾連心胸及兩乳痛婦人脾  
血積氣諸般血癥氣塊及小兒食積骨瘦面黃腹脹  
氣急不嗜飲食漸成脾虛並宜服之方見傷食

二賢散 進食消積塊

橘紅一斤

甘草四兩  
鹽半兩

用水三四碗從早煮至夜以爛為度水乾則添日  
乾為末淡薑湯調下 有塊者加薑黃半兩 氣  
滯者加香附二兩俱同前藥煮 氣虛者加沈香

半兩 噤口痢加蓮肉二兩去心俱另入

小三稜煎 食癥酒癖血癥氣塊時發刺痛全不思飲食積不消心腹堅脹痰逆嘔噦噫酢吞酸

京三稜

蓬朮

各四兩

芫花

一兩去梗葉

右同入甕器中用米醋五升浸滿封器以炭火煨令乾取出稜朮將芫花以餘醋炒令微焦焙乾為末醋糊丸菜豆大每十五丸姜湯下

猪腰子方 治腹中有塊

猪腰子一雙切薄片木鼈子肉一兩與猪腰片相間  
縛定外用濕紙包火煨熟去紙搗盆內搗如泥入  
黃連末和丸每二十九烏梅甘草湯下第二服二  
十五丸三服三十九丸漸加至以痛為度大便利其  
塊自消神效

元戎溫白丸 治心腹積聚久壅痞塊大如杯碗黃疸  
嘔吐滿悶上氣腹脹心下堅結上搶心傍及脇十種  
水病八種痞塞翻胃吐逆噎膈五種淋疾九種心疼

積食不消成瘡連年不瘥及一切風身體頑痺不知  
痛痒或半身不遂眉髮墮落七十二種風三十六種  
遁尸疰忤癲癇或婦人諸疾斷續不生下淋瀝五邪  
失心憂愁思慮不樂飲食無味月水不調及一切病  
有似懷孕羸瘦困弊或歌如鬼所使等症

川烏

去皮臍炮  
二兩半

紫苑

菖蒲

柴胡

厚朴

製

吳茱

萸

桔梗

皂莢

去弦  
子炒

茯苓

乾薑

炮

人參

黃連

巴豆

去油  
研炒

蜀椒

去目炒  
各五錢

赤水元珠

四十六

右末入巴豆令勻密丸桐子大每三丸薑湯下食  
後臨卧服加至五六丸止

肝之積肥氣溫白丸加柴胡川芎治之 心之積伏梁  
溫白丸加菖蒲桃仁黃連治之 脾之積痞氣溫白  
丸加乾薑吳茱萸治之 肺之積息賁溫白丸加人  
參紫苑治之 腎之積奔豚溫白丸加丁香茯苓遠  
志治之

肥氣丸

肝之積在左脇下如覆杯脈弦而細

青皮

當歸

蒼朮

各一錢半

蛇含石

煨醋淬七次

蓬朮

三

稜

鈇孕粉

各二兩與三稜蓬朮同入醋煮一伏時

右末醋煮米糊丸葉豆大每四十丸當歸酒送下

伏梁在心下結聚不散用桃奴三兩為末空心溫酒調

下桃奴樹上乾桃子是也

正月採經冬不落者

肺喘久不愈為息賁五靈丸

五靈脂

二兩半

木香

半兩

馬兜鈴

炒一兩

葶藶

右末棗肉丸桐子大每二十九丸姜湯下日三

本事云肺之積曰息責在右脇下大如杯令人洒洒寒熱喘嗽發肺癰棗膏丸

葶藶子

陳皮

桔梗

各等分

右下二味末入葶藶研勻煮肥棗肉和丸桐子大每五七丸米飲下予嘗患停飲久漬肺經食已必噎喘覺肺系大急服此良驗

當歸丸

治婦人月經不調血積

當歸

赤芍

川芎

熟地

京三稜

廣茂

各五分



神麴

百草霜

各二錢半

右末酒糊丸桐子大溫水下

尚書媳婦馬氏年三十二腹中血塊作疼經五六年形已骨立衆皆曰不可為柰其未死何家甚貧而大小慙之一日召杜至告杜曰但以濟物為懷則可業已請召明公非所言也遂以少物帛贈杜杜不受曰但服其藥必獲安無以是為疑遂示方用沒藥牛膝乾漆當歸各半兩礪砂木香水蛭炒紅娘子炒紅花牡

丹皮硃砂各一分海馬一箇班貓去翅足炒十四箇  
為末酒醋各半升熬為膏每日天明用一皂子大酒  
醋化下一月病退六十日漸安果如其言

黑神丸

神麴

茴香

各四兩

木香

川椒

炒香出汗

丁香

各半兩

檳榔

四箇乾漆

六兩半生半熟用薑湯煮半日令香

右除椒漆外五物皆半生半炒為細末用前生熟  
漆和丸彈子大又用茴香十二兩鋪陰地陰乾候

外乾并茴香収器中至乾去茴香用治腎氣膀胱  
痙癖及疝墜五膈血崩產後諸血漏下赤白並一  
九分四服死胎一九皆綿灰酒下若難產炒葵子  
四十粒杵碎酒煎下 諸疾不過三服痙氣十服  
膈氣癥癖五服血瘕三九一婦有塊如杯每發痛  
不可忍諸藥莫愈投此凡三服杯塊盡消終身不  
復作矣

沒藥散 治一切血氣臍腹作痛產後惡露兒枕痛

血竭

沒藥

並研

桂心

當歸

蒲黃

紅花

木

香

玄胡索

乾漆炒赤芍

各等分

右細末每服二錢熱酒調下食前

血塊沖心痛

甚者以大順散三錢酒調服即止

牡丹散

婦人久虛羸瘦血塊走注心腹疼痛

牡丹皮

玄胡索

桂心

當歸

各一兩

牛膝

赤芍

藥 莪朮

各三兩

京三稜

一兩半

每服三錢水酒各半煮煎服

芍藥湯 治產後諸積不可攻宜養去熱

芍藥

一斤

黃芩

各六兩

右每服半兩水煎日三服

帝曰病脇下滿氣逆二三載不已是為何病岐伯曰病

名曰息積此不妨於食不可刺灸祇為導引服藥藥

不能獨治也

奇病論○王註云氣逆息難故名息積也用息責法治之亦可

磨積丸

胡椒

一百五十粒

木香

二錢半

全蝎

十枚去毒

右末粟米糊丸棗豆大每十五丸陳皮湯下

化氣湯 治息積

木香

砂仁

桂心

各二錢半

甘草

炙

茴香

炒

丁香皮

青皮

陳皮

乾薑

蓬朮

炮各半兩

沈香

胡椒

各錢

右末每服二錢薑蘇鹽湯調下婦人醋湯服

肝之積肥氣丸

治積在左脇下如覆杯有頭足久不

愈令人欬逆痞瘧連年不已

厚朴

半兩

黃連

七錢

柴胡

二兩

椒

四錢

巴霜

五分

烏

炮

去皮臍

一錢二分

乾薑

五錢

皂角

去皮弦子  
煨一錢半

白茯苓

一錢半

廣茂

炮  
昆布

人參

各二錢半

甘草

三錢

右除茯苓皂角巴豆外為極細末再另研巴霜旋入和勻煉蜜丸桐子大初服二丸一日加一九二日加二丸漸加至大便微溏再從兩丸加服周而復始積減大半勿服 右後積藥依此法服之春夏秋冬另有加減法在各條下秋冬加厚朴一半通前重一兩減黃連一錢半若治風癰於一料中

加人參茯苓菖蒲各三錢黃連只依春用七錢雖  
秋冬不減淡醋湯空心服下

加減肥氣丸 治同前仲夏合此

柴胡

厚朴

各半兩

黃連

一兩

川椒

甘草

各五分

肉桂

川烏

各二錢

巴霜

六錢

乾薑

人參

各半兩

右細末旋入巴霜研勻煉蜜丸桐子大初服二九

一日加一九二日加二九漸加至大便微溏再從

二九加服空心淡醋湯下大便利秋冬去乾姜半



錢加厚朴一倍減黃連一半

心之積伏梁丸 起臍上大如臂上至心下久不愈令

人心煩

黃連

一兩半

人參

厚朴

去皮姜製各半兩

黃芩

錢三肉桂

紅

豆

茯苓

丹參

錢各一

菖蒲

乾薑

巴霜

川烏

炮去皮臍各五分

右末研巴霜旋入和勻煉蜜丸桐子大初服二丸日加一九漸加至大便溏從二九加服食遠淡黃

連湯下周而復始積減半勿服秋冬加厚朴半兩  
減黃連半兩黃芩不用

鼈甲湯 治伏梁積氣心下如臂痞痛不消小便不利

鼈甲

去裙醋炙黃色

三稜

大腹皮

芍藥

當歸

柴胡

生地

各一兩

官桂

生薑

切片焙乾各三分

每服三錢水一大盞入生薑木香半錢同煎至八  
分空心溫服

脾之積痞氣丸在胃脘腹大如盤久不愈令人四肢不

収發黃疸飲食不為肌膚

厚朴

製半生半炒

黃連

錢八

吳茱萸

黃芩

白朮

錢各三

白

茯苓

另為末

澤瀉

錢各一

巴豆霜

另研四分

乾薑

炮

縮砂

茵

陳

各一錢半

川烏

炮去皮臍

川椒

炒各五分

桂

四分

人參

錢一

右末旋入巴霜茯苓和勻煉蜜丸桐子大初服二

九日加一丸漸加至大便微澀再從二九加服食

遠淡甘草湯下周而復始積減大半勿服

加減痞氣丸

孟秋合此

黃芩

酒炒

益智

吳茱萸

歸尾

橘紅

附子

各三分

厚朴

錢一

黃連

酒炒

半夏

紅花

各五分

青皮

廣茂

神

麴

茯苓

昆布

熟地

人參

炙甘草

巴霜

葛根

各二分

澤瀉

右末蒸餅糊丸桐子大初服二丸日加一丸加至

大便微溏再從二丸加服淡甘草湯下

宣明白朮丸

治息積脇下氣逆妨悶喘息不便呼吸

引痛不已不可針灸宜導引服藥爾

白朮 枳實 官桂 各一人參 二桔梗 醋炒 陳皮 甘

草 各一錢

為末煉蜜丸 桐子大 每服二十丸 溫酒下 日三服

加減息賁丸 仲夏合此其積為病 寒熱喘欬 氣上奔

脈瀉失精亡血 氣滯則短 氣血凝泣則寒熱相參 氣

分寒血分熱 治宜並元氣 洩陰火 破氣消其堅也

川烏 乾葛 桔梗 白豆寇 各一人參 桂枝 各

錢 陳皮 八錢 黃連 一兩 紫苑 厚朴 茯苓 川椒 炒

汗  
京三稜

天門冬

去心各一錢半

青皮七分紅花許少巴豆霜

分四

右末餗餅糊為丸桐子大初服二丸日加一九加至大便微澹從二丸加服食前薑湯下忌酒麵辛辣生冷物

腎之積奔豚丸

發於小腹上至心下若豚狀或上下

無時久不已令人喘逆骨痠少氣及男子內結七疝

女子瘕聚帶下

苦棟

酒煮三錢

黃連

炒五錢

白茯苓

澤瀉

菖蒲

各二錢

烏炮丁香

各五分

玄胡索

一錢半

全蝎

附子

獨活

各一

錢巴豆霜

四分厚朴

薑製七錢

肉桂

三分

右末旋入巴豆霜茯苓和勻蜜丸桐子大服法如

前食遠淡鹽湯下秋冬加厚朴半兩如積熱堅

大先服前藥不減於一料中加牡蠣三錢疝帶勿

加如大積大聚消其大半乃止藥過劑則死

如積滿腹或半腹先治其所起是何積當先服本

臟積藥諸疾自愈是其本也餘積皆然 如服藥

人覺熱加黃連 如服藥人氣短加厚朴 如服

藥人悶亂減桂

治積要法 許學士云大抵治積或以所惡者攻之所

喜者誘之則易愈如硃砂水銀治肉積神麴麥蘖治

酒積水蛭蜜虫治血積木香檳榔治氣積甘遂牽牛

治水積雄黃膩粉治痰積巴豆礞石治食積各從其

類也若用羣隊之藥分其勢則難取效須要認得分



明是何積聚無見何證然後增加佐使之藥不爾反有所損要在臨時通變也治積當察其所痛以知其病有餘不足可補可瀉無逆天時詳臟腑之高下如寒者熱之結者散之客者逐之留者行之堅者削之强者奪之賊以栗之苦以瀉之全真氣藥補之隨其所積而行之節飲食慎起居和其中外可使必已不然遽以大毒之劑攻之積不能除反傷正氣終難復也可不慎歟

治魚蟹積 香蘇散多加生薑陳皮椒欖煎服

菓菜積 平胃散加丁香麝香為末鹽湯調服

索粉積 紫蘇濃煎汁加杏仁泥服即消

麵積阿魏丸 濃煎羅蔔子湯下

糕糕傷積 酒麴五錢木香一錢為末鹽湯調服口有

酒香是效

治婦人血塊有孕難服峻藥

香附子

醋煮

桃仁

皮尖

海石

醋煮

白朮

兩一

神麴糊為丸

奇方 治一切癥瘕積聚

鼈甲

一兩 醋煮

三稜

五錢 炮

白朮

五錢

青皮

桃仁

紅花

昆布

各二錢

香附

醋煮 七錢

右末糊丸梧子大每一錢煎白朮湯下

治中脘有塊中常跳動

橘紅

四錢

桃仁

去皮尖 二錢

木通

一錢

白朮

八錢

水煎服

治中脘水飲積塊堅大如盤

白朮

二兩  
枳實七枝

分三服水煎

治小兒疳積 大安丸加胡黃連末五錢神麴糊丸黍

丸黍米大米飲下

丹溪治一人肚左邊帶脇下有塊先吃廬食牛乳者成

氣痛又因酒肉塊大如桃食減三分之一

滑石

五錢

白朮

四錢

陳皮

三稜

各三錢

蘿蔔子

黃連

連翹

錢各一

乾葛

錢二半

桃仁

枚二十

甘草

錢炙一

黃芩

錢一

分三帖水煎服

一婦脇下有塊大如掌脈濇時作熱此虛中有氣積先與補虛次與磨積藥

白芍藥

當歸尾

錢各四

白朮

錢三

青皮

川芎

木通

錢各一  
甘草  
分五

水煎服

磨積藥

三稜

醋煮一錢

青皮

枳實

桃仁

大黃

各五錢

桂枝

一錢

半海藻

醋煮三錢

神麴糊為丸梧子大每服五十丸

一人有塊在脇內有痰熱汗不得泄兩脈大而散軟此

挾虛症

三稜

五錢

黃連

白朮

連翹

木通

各三錢

人參

二錢半

桂

川芎

各一錢

甘草

五分

水煎吞下保和丸

一婦瘧後左脇下有塊小便少

厚朴

柴胡

各二錢

三稜

青皮

木通

各五錢

白朮

六錢

半甘草

五分

姜一片水煎服

一人因飽食牛肉豆腐患嘔吐又不節飲食右脇下生  
一塊漸長大如掌痛發則見痛止則伏脈弦數性急  
塊上不可按按之愈痛痛則必吐黃酸苦水此足太  
陰食積濕痰

荔枝核

二枝  
燒

山梔仁

五枝  
炒

枳實

十五枝

山查

九枝

吳茱萸

炒九粒

一方有人參 急流水一盞煎沸入生薑汁服四帖止  
其痛却與消塊藥

### 消塊藥方

半夏末

六錢 皂角六枚 水煮  
取汁拌半夏末 晒乾

黃連

炒五錢

石碱

二錢

右末以糖羂膏為丸胡椒大

驚風成塊者妙應丸加川山甲炒鼈甲燒各三錢玄胡



索蓬朮各四錢每服五十丸加至七十丸以利為度

妙應丸即控涎

丹方見痰門

酒積方累效

即烏梅丸方  
出傷飲門

愆義有人病心腹滿煩彌二歲診曰腹有蟲誤食髮而  
然令餌雄黃一劑少刻吐一蛇如拇指無目燒之有  
髮氣乃愈此殺毒虫之驗也

丹溪治食積死血痰積成塊在兩脇動作腹鳴嘈雜眩  
運身熱時作時止

黃連

一兩半 吳茱萸 並智仁同炒

山梔

半兩 炒

川芎

神麴

桃仁

去皮

三稜

蓬朮

各半兩 並醋煮

香附

童便浸

山查

各一兩

蘿蔔

子

炒一兩半

一方有青皮

半兩

白芥子

炒一兩半

右麴糊丸

治婦人血塊

牛膝根切焙乾酒煎溫服效

腸覃生於腸外月事時下石瘕生於胞中月事不以時

下二病皆似蠱脹

並見 脹門

產後消血塊

滑石

三錢沒藥二錢血竭一錢

右末醋糊丸如惡露不下以五靈脂為細末麵糊  
丸白湯下陳皮湯下妙

又方 消血塊


香附

童便浸桃仁去皮尖

為末醋糊丸

陳無擇云導引法隨意行之皆可愚謂或按摩滿處或

手足相屈伸或八段錦或六字氣之類以氣通為效



赤水元珠卷十三